



10 SEPTEMBER 2021

EREDIENSTE

SONDAG 12 SEPTEMBER

Eredienste word in die kerk, kapel en aanlyn aangebied en 50 persone word per diens in die kerk en 20 persone in die kapel toegelaat. Geen besprekings is nodig nie. Die oorfloei van kerkgangers word in die kleinsaal geakkommodeer. Besoek www.stellenberg.co.za of die gemeente se YouTube-kanaal om na die aanlyn dienste te kyk.

SKRIFGEDEELTE EN TEMA VIR DIE OGGEND- EN FAMILIEDIENS

Handelinge 18:18-27 en I Korintiërs 16:19 | Priscilla en Akwila.

Oggenddiens 08:30 in die kerk en aanlyn | Ds. Potgieter (Span 4)

Meditatiewe diens 09:00 in die kapel en aanlyn | Ds. Breytenbach

Familiediens 09:30 in die kerk en aanlyn | Ds. Visagie (Span 7)

Relevantdiens 18:00 in die kerk en aanlyn | Ds. Ackerman

EREDIENSWERKERS

Daar bestaan 'n dringende tekort aan eredienswerkers by al die eredienste, maar veral die familiediens. Diensbeurte word geroteer en indien jy betrokke raak, sal jy ongeveer een keer per maand aan diens wees. Die familiediens word slegs tydens skoolkwartale aangebied en by dié diens kan die hele gesin (ouers en kinders) as eredienswerkers optree. Kontak Odette by odette@stellenberg.co.za indien jy kan help, of skakel die kerkkantoor by 021 976 4519.

KONTAK ONS

021 976 4519

081 045 2428

navrae@stellenberg.co.za

www.stellenberg.co.za

NUWE LERAAR IS

BEROEP

Ds. Johan Visser, tans leraar by die Woodlands Hill Gemeenskapskerk, Bloemfontein, is beroep as nuwe leraar van die gemeente. Hy sal vanaf 1 Februarie 2022 in die gemeente werksaam wees.

GEBEDSVERSOEKE

Gebedsversoeke kan aan ds. René Potgieter by 079 893 8104 gestuur word.



ANNIBRAND JUNIOR

Junior kategese is Sondag vanaf 10:15 tot 11:00. Groepe sal tot 50 persone per groep beperk word.

- Graad 1 tot 3 kom in die kleinsaal byeen.
- Graad 4 tot 6 kom in die ou kafeteria byeen.

GESKENKTOEDRAIDIENS | FEESMARK

Die feesmarkkantoor is op soek na iemand wat geskenke op 'n kreatiewe wyse kan verpak en toedraai en bereid is om die toedraaidiens, teen vergoeding, daaglik tydens die feesmark te behartig. Die feesmark word vanaf 18 Oktober tot 6 November 2021 aangebied. Belangstellendes kan Karen Visagie by feesmark@stellenberg.co.za/ 079 269 3663 kontak.

KLIPHEUWELPROJEK | OMGEEBOKSE

Die jeugbediening besoek elke Donderdagmiddag die informele nedersetting in Klipheuwel, waar 'n tuiswerkondersteuningsprogram by die *Klippies Kids*-skool aangebied word. Kinders ontvang ook weekliks iets te ete by die tuiswerkhulpklasse. Tydens Augustus- en Septembermaand wil ons graag iets ekstra vir die kinders doen. Ons versoek lidmate om bokse saam te stel – vir seuns of dogters – bestaande uit die volgende produkte:

Deodorant en seep, haarsjampoe en opknapper (*conditioner*), 'n boksie kitssop, 'n pak meliemeel, 'n boksie sojamaalvleis, sanitêre doekies, 'n folioblok, pen, potlood en uitveër. Gee bydraes, of verpakte bokse, asseblief voor 30 September by die kerkkantoor af.

BYBELSTUDIE EN BIDUUR VIR VROUE

Vrouebybelstudie word elke Maandag om 10:00 in die kleinsaal aangebied. Skakel gerus in soos dit jou pas. Om notas oor temas wat behandel word per e-pos te ontvang, stuur asseblief jou e-posdres aan odette@stellenberg.co.za. Daar is ook Maandagoggende om 09:15, voor die Bybelstudie, 'n bidurgeleentheid vir vrouens.

STELLENBERG ONDERSTEUNING- SENTRUM

SOS bied berading en mediasiedienste deur professionele persone aan. Spraak- en arbeidsterapeute, 'n besigheids- en lewensafrieger, asook 'n musiekterapeut se dienste word aangebied. Maak gerus 'n afspraak by 021 976 8029 (09:00 tot 13:00) of stuur 'n e-pos na sos@stellenberg.co.za.
Na-ure skakel 083 519 0602.

KYK NA DIE EREDIENS OP JOU SELFOON

WhatsApp, of stuur 'n Telegramboodskap na 081 045 2428 met jou naam + van + aanlyn erediens. Jy sal dan weekliks die skakel na die aanlyn diens per WhatsApp/Telegram op jou selfoon ontvang.

BYBELSKOOLKURSUS | AANLYN

'n Geloof wat groei | 5 Sessies deur ds. Breytenbach

Die derde kwartaal verwys na Koninkrykstyding en 'n groeifase in die kerkjaar. In die lig hiervan bied die Bybelskool 'n reeks sessies aan wat aan geloofsgroei aandag skenk. Die sessies asook handleidings is weekliks vanaf Dinsdae aanlyn op www.stellenberg.co.za.

FEESMARK | 18 OKT. TOT 6 NOV.

Teen die agtergrond van inperkingsmaatreëls beplan die feesmarkkomitee om weer 'n mark soortgelyk aan die mark van verlede jaar aan te bied. Met aanpassings wat gemaak is in die uitleg van die feesmark, kan daar vanjaar 270 uitstallers teenoor die 180 uitstallers van verlede jaar geakkommodeer word. Die volgende aanpassings is gemaak om die bestaande ruimte beter te benut:

- Die restaurant, wat in die verlede in die markplein was, word deur vier kostrokke op die perseel vervang. Genoeg tafels en sitplekke sal onder tentafdakke ingeruim word, sodat besoekers hul etes gerieflik kan geniet.
- Met die beperking wat op die bywoning van eredienste geplaas word (100 tot 150 persone – indien maatreëls verslap sou word), gaan die saalgedeelte en voorportaal van die kerk ook tydens die feesmark as uitstalruimtes benut word. Lidmate sal vir twee Sondae die kerk vanaf die noordelike syngang (langs die kapel) betree wanneer eredienste bygewoon word. 'n Buitelugdiens word ook vir een van die Sondae tydens die feesmark beoog.
- 'n Tonnel saamgestel uit tente sal die kerkkompleks met die saalkompleks verbind.
- Die feesmark is vanjaar ook met een dag verleng.

Die feesmark is 'n belangrike geleentheid op ons jaarlikse kalender en die kerkraad is dankbaar om ten spyte van inperkingsmaatreëls tog daarmee voort te gaan. Ons het groot waardering vir lidmate se verdraagsaamheid rakende veranderinge op die kerkterrein in daardie tyd. Die feesmark het die gemeente oor jare heen in staat gestel om 'n derde van ons gemeente-inkomste na buite aan te wend.

EDELWEISS

BYBELSTUDIE

16 Sept. 14:30

Jeremia 3: Die Here sê: "Kom terug kinders wat afgedwaal het!"

DAAGLIKSE

STEMBOODSKAPPE

DEUR LERAARS

Luister na die daaglikse stemboodskappe, voorberei deur gemeenteleraars op www.stellenberg.co.za of op jou selfoon. Om die boodskappe daagliks op jou selfoon te ontvang, stuur 'n WhatsApp of 'n Telegramboodskap met jou naam+van+boodskap na 081 045 2428.

BREIGROEP

Die breigroep kom op Maandag 4 Oktober om 09:30 in die markplein bymekaar.

TERUGVOER OOR FINANSIES

Daar is dikwels vrae oor hoe dit in dié tyd met die gemeente se finansies gaan. Kortweg die gemeente is baie geseënd en in pas met die begroting van 2021-2022.

- Die **aangepaste begroting van 2020 tot 2021** is behou. Met die aanvang van die pandemie is herbegroot en 'n derde van die begrote uitgawes is gesny.
- Geen **nuwe aanstellings** word gemaak in die plek van personeel wat bedank, of aftree nie. Die gemeentebestuurder en 'n terreinwerker se poste is nie gevul nie. Slegs een predikant is beroep in die plek van die twee wat in 2022 (di. Visagie en Duvenhage) aftree.
- Geen salarisverhoging is aan personeel in 2021 toegestaan nie.

Die belangrikste bronne van die gemeente se inkomste is maandelikse dankoffers (MDO), Sondagkollektes, tiendemaandinsameling, feesmark en selfoontorings.

- **Maandelikse dankoffers en Sondagkollektes:** In die aangepaste Covid-begroting is daar vir die Sondagkollektes slegs 'n derde van die oorspronklike begroting begroot. Die twee inkomste-bronne het gesamentlik oor die afgelope ses maande 'n inkomste van R3 269 924 opgelewer. Die begrote bedrag was R3 249 900. R20 024 is dus bo die begroting ontvang.
- **Feesmark:** 'n Inkomste van R750 000 (dieselfde bedrag as wat verlede jaar deur die mark opgelewer is) is weer vir vanjaar se feesmark begroot. Hieronder 'n uiteensetting van dankoffers en bankkollektes wat oor die afgelope maande ontvang is.

	Begroot	Werklik
Maart 2021	R541 650	R567 159
April 2021	R541 650	R495 305
Mei 2021	R541 650	R535 827
Junie 2021	R541 650	R623 625
Julie 2021	R541 650	R515 320
Augustus 2021	R541 650	R532 688
TOTAAL	R3 249 900	R3 269 924

GEMEENTE-SELFOON

Die gemeente se selfoonnommer is 081 045 2428. Navrae kan per WhatsApp of Telegram-boodskap na dié nommer gestuur word.

ELEKTRONIESE NUUS

Maak seker dat jy elektroniese nuus van die gemeente ontvang. Jy kan die bulletin, asook die skakel na die aanlyn eredienste weekliks per e-pos ontvang, asook die gemeente se maandelikse nuusblad, *Stellenberger*. Stuur jou e-posadres na sanel@stellenberg.co.za om op die verspreidingslys geplaas te word.